

starogradski

OPĆINA STARI GRAD
SARAJEVO



MUNICIPALITY OF STARI
GRAD SARAJEVO

haber

BESPLATAN PRIMJERAK • DECEMBAR, 2015. broj 28.



Baščaršijski trg u novom ruhu

- 2-3 Svečano otvaranje Bašćaršijskog trga
- 6-7 Općinsko vijeće
- 8-9 Sanacija i asfaltiranje ulica
- 10-11 Godišnja konferencija za novinare
- 13 Izgrađena zgrada za socijalno stanovanje
- 17 Liga osnovaca: fudbal, košarka i odbojka
- 18 Staro Sarajevo: Čekrčijina džamija

Impressum

- Izdavač:** Općina Stari Grad Sarajevo
- Tiraž:** 2.000
- Pripremili:** Almedina Porča
Alma Imamović
- DTP:** Safet Mališević
- Fotografije:** Safet Mališević
- Štampa:** "Pentagram" d.o.o.
- Adresa:** Zelenih beretki br. 4
71000 Sarajevo
- web:** www.starigrad.ba
- e-mail:** info@starigrad.ba
- Tel./fax:** +387 33 282 385
+387 33 217 916



Svečano otvaranje



Uz sevdah, kafu i kolače otvoren Bašćaršijski trg

Nakon više od trideset godina Bašćaršijski trg dobio novo ruho • Postavljene nove klupe, javna rasvjeta i gradski sat • Izložbom fotografija prikazan trg od XIX stoljeća do danas

Više od hiljadu ljudi okupilo se 24. decembra na Bašćaršijskom trgu kako bi prisustvovali njegovom svečanom otvaranju i predstavljanju novog lica trga, koji je rekonstruisan poslije više od trideset godina. Program je otvorila vokalna grupa i orkestar KUD „Bašćaršija“ koji su za tu priliku izveli dvije sevdalinke, a potom je prisutne pozdravio načelnik Općine Stari Grad Ibrahim Hadžibajrić. Hadžibajrić se zahvalio Općini Osmangazi koja je sufinansirala radove i istakao da mu je žao što zbog vremenskih prilika nisu mogli doći na svečano otvaranje. Osvrnuo se i na brojne komentare koji su pratili rekonstrukciju trga.

„Bilo je nedobronamjernih komentara tokom izvođenja radova. Govorili su da popločavanje trga nije autohtona podloga. Autohtono bi bilo da smo ostavili zemlja-

nu podlogu i ovdje i u Saraćima,“ kazao je Hadžibajrić i dodao da je zbog toga priredena izložba fotografija. „Uz zid Bašćaršijske džamije postavili smo izložbu fotografija trga da pokažemo kako je izgledao od 1880. godine do današnjeg dana,“ kazao je Hadžibajrić. Inače, izložba je izazvala veliko interesovanje. Na fotografijama se mogao vidjeti trg iz vremena kada se hodalo zemljanom podlogom, preko austougarskog perioda kada je trg popločan klinker ciglama i dijelom asfaltiran, do kamenih ploča hreše koje su ga prekrivale do početka ove rekonstrukcije.

Općina Osmangazi realizovala tri velika projekta u Starom Gradu

Implementator projekta rekonstrukcije trga bila je Turska razvojna agencija TIKa – Ured za BiH. Direktor Ureda za BiH Husein Šanli kazao je da mu je drago što je TIKa



Fotografije za izložbu ustupio Ridvan Varaki



KUD "Bašćaršija" izveli "Muslimanske igre starog Sarajeva"



Svečanom otvaranju prisustvovali brojni građani

bila dio ovog velikog projekta. „Želim da se zahvalim svima koji su učestvovali u ovom projektu i doprinijeli očuvanju starogradske jezgre, grada Sarajeva i Bašćaršije. Neka vam je sretan i hairli novi trg“, kazao je Šanli.

U ime načelnika Općine Osmangazi Mustafe Dindara, prisutne je pozdravio njegov savjetnik Mustafa Sevinč. Prenijevši pozdrave načelnika Dindara, Sevinč je kazao da je ovo jedan od najvećih projekata koji je Osmangazi do sada realizovao u Starom Gradu. „Općina Osmangazi do sada je izgradila Bakr-babinu džamiju, zatim Osmangazi Bursa sebilj, i sada rekonstrukciju Bašćaršijskog trga koji je jedan od nama najdražih projekata,“ kazao je Sevinč. Ambasador Republike Turske u BiH, n.j.e. Džihad Erginaj, izrazio je zadovoljstvo što sa Sarajlijama dijeli ovako svečan i važan moment, kada se otvara Bašćaršijski trg. Turski ambasador je istakao kako misli da Bašćaršijski

trg nikada nije bio ljepši. Svečanu vrpcu na ulazu u Bašćaršijski trg iz ulice Sarači presijekli su načelnik Ibrahim Hadžibajrić, savjetnik načelnika Općine Osmagazi Mustafa Sevinč, ambasador n.j.e. Džihad Erginaj i direktor TIKE BiH Husein Šanli. Nakon toga, svi prisutni počastili su se domaćom kafom koja je spremna ispred Sebilja u Vispakovoj najvećoj džezvi na svijetu i tortom izrađenom specijalno za ovu priliku,

u obliku Bašćaršijskog trga. Prisutnima na trgu, uz zvuke sevdalinki, dijelili su se čaj, turski čaj, kolači i rahatlokumi.

Rekonstrukcija koštala oko 1,2 miliona maraka

Rekonstrukcija Bašćaršijskog trga je projekat koji je realizovan od septembra do decembra, 2015. godine, usljed dotrajalosti podzemnih instalacija, te velikih oštećenja i nefunkcionalnosti kamenih ploča na površini Trga, koje nisu mijenjane više od 30 godina. Uklonjen je kompletan površinski sloj, a potom je izvršena izmjena i sanacija podzemne infrastrukture: vodovodne, kanalizacione, plinske, telekomunikacijske i elektro instalacije. Po završetku ovih radova Bašćaršijski trg je popločan pravougaonim kamenim pločama od jablaničkog rodolita, poput onih kojima je prethodno rađena i rekonstrukcija ulica Sarači i Bravadžiluk, čime je bašćaršijsko jezgro dobilo jedinstven vanjski izgled. Postojeća javna rasvjeta je sanirana, postavljeno je 16 novih visokoeffikasnih LED svjetiljki, vraćen stub prve električne javne rasvjete u Sarajevu iz 1895. godine, ugrađene dvije kamene klupe i ponovo postavljen javni gradski sat. Projekat vrijedan oko 1,2 miliona konvertibilnih maraka, finansirali su u jednakim omjerima Općina Stari Grad Sarajevo i njena pobratimska Općina Osmangazi (Bursa) iz Republike Turske. Implementator projekta bila je Turska uprava za međunarodni razvoj i saradnju (TIKA).

Manifestaciju podržali privrednici sa Bašćaršije

Pokrovitelji svečanog otvaranja Bašćaršijskog trga bili su: Art kuća sevdaha, Bosanska kuća, Kazandžijska radnja vl. Jabučar H. Nasir, Čevabdžinica "Željo", Čevabdžinica "Ferhatović", Kafe-slastičarna "Sport", Narodna kuhinja "Stari Grad", Butik Badem, Cream shop d.o.o, UR "Čeif", Kafe-slastičarna "Saraj", VISPAK d.d.Visoko, Dibek d.o.o, Foto studio "MH Hadžić" i ZUP "Bašćaršija".



Kafa iz Vispakove najveće džezve na svijetu

Projekti

Bašćaršija se sljedeće godine zatvara za svaku vrstu saobraćaja

Realizacijom projekta kontrole pristupa na području općine Stari Grad, starogradsko jezgro će od naredne godine biti zatvoreno za svaku vrstu saobraćaja, čime će se spriječiti uništavanje ulica i Bašćaršijskog trga. Načelnik Općine Ibrahim Hadžibajrić angažovao je nadležne službe da izvrše uvid u stanje na terenu i kontrolu popotnih stubića koji su ranijih godina postavljeni na nekoliko lokacija. Realizaciju ovog projekta Općina je pokrenula sa firmom MIBO Komunikacije d.o.o. koja je na području Bašćaršije postavila stubiće, kao i 28 nadzornih kamera.



Raskršće ulica Zelenih beretki i Kundurdžiluk

Bit će oformljen Centar za upravljanje

Da bi projekat bio doveden do kraja potrebno je još oformiti Centar za upravljanje u kojem će biti instalirana potrebna oprema za nadzor. Na svim lokacijama na kojima budu postavljeni stubići i kamere, bit će i pokretne rampe, te uređaji koji će regulisati njihovo podizanje/spuštanje na osnovu kartica koje će Općina izdavati. Bit će jasno definisano ko može kupiti karticu za pristup vozilom, kao što su vozila hitne pomoći, KJKP "Rad", policija, vatrogasci i sl. Osim toga, predviđeno je da ulazak dostavnih vozila, čija će veličina također biti ograničena, bude dozvoljen samo u terminu od 06-08,00 sati. Iz Centra za

Bit će jasno definisano ko može kupiti karticu za pristup vozilom, kao što su vozila hitne pomoći, KJKP "Rad", policija, vatrogasci i sl.

upravljanje moći će se regulisati podizanje rampe u hitnim slučajevima, a na svakom uređaju bit će istaknut broj telefona Centra, tako da će se u slučaju hitnosti moći uputiti poziv i blagovremeno reagovati. Osim toga, Centar će imati video nadzor nad svakom lokacijom na kojoj će biti postavljeni stubići.

svakom lokacijom na kojoj će biti postavljeni stubići.

Rok za zatvaranje Bašćaršije 15. april


Prema riječima načelnika Ibrahima Hadžibajrića, na ovaj način će se uže jezgro Starog Grada očuvati i spriječiti će se nekontrolisani ulazak vozila. "Očekujem da u što skorije vrijeme dobijem detaljan izvještaj o stanju na terenu i procjenu finansijskih ulaganja koja su potrebna da se ovaj projekat dovede do kraja. Postavili smo rok prema kojem Bašćaršija mora biti zatvorena za saobraćaj od 15. aprila," kazao je Hadžibajrić.

Stubići će biti na 15 lokacija

Planirane lokacije za postavljanje stubića kojima će se onemogućiti saobraćaj su: iznad Sebilja, ulice Oprkanj, Bravadžiluk, Abadžiluk, Bazerdžani, Aščiluk, Kundurdžiluk, Gazi Husrev-begova (sjever i jug), Muvekita, Štrosmajerova, Trg oslobođenja-Alija Izetbegović, Jelića, Đulagina, iznad Katedrale, Prote Bakovića. Cijena kartica bit će naknadno utvrđena, kao i korisnici, a moći će se kupovati na godišnjem nivou.



Ulica Sarači



Ulica Prote Bakovića

OŠ „Saburina“ dobila novi krov



Zajednički projekat općina Silivri i Stari Grad • Zamijenjen krov star preko 40 godina i omogućen normalan rad djeci i nastavnom osoblju

U osnovnoj školi „Saburina“ 25. novembra održana je svečana priredba povodom Dana državnosti BiH i završetka radova na rekonstrukciji krova, starog preko 40 godina. Svečanosti su prisustvovali načelnik Ibrahim Hadžibajrić i pomoćnici načelnika Općine Silivri iz Istanbula Bora Balcioğlu i Ali Vural. Ove dvije općine finansirale su radove na rekonstrukciji krova OŠ „Saburina“ i to: Općina Silivri sa 50.000 KM, a Stari Grad sa 38.000 KM. Krov škole bio je u izuzetno lošem stanju, a najveća oštećenja doživio je tokom rata u BiH. Poslije rata, rađene su samo neophodne intervencije na krovu koji je bio izgrađen od salonita i nekvalitetnih, kancerogenih materijala. “Hvala prijateljima iz Općine Stari Grad i Općine Silivri što će zahvaljujući njima naša

djeca sada bar 50 godina imati krov nad glavom,” kazao je Rešad Fočo, direktor škole. Inače, na ovom dijelu školskog objekta, skinut je postojeći salonit, letve i limarija, te postavljen novi limeni krov, snjegobrani i oluci sa spušnim cijevima. Načelnik Hadžibajrić je pojasnio da je dogovor o ovoj investiciji sklopljen u maju ove godine prilikom posjete Silivriju i iskazao zahvalnost načelniku Silivrija, Ozcanu Isiklaru što je spremno prihvatio da pomogne ovoj školi. Dodao je da će se Općina Stari Grad truditi da i ubuduće njeguje i produbljuje pobratimske odnose sa Silivrijem. Inače, Općine Stari Grad i Silivri su pobratimske općine od 2010. godine.

Njegove riječi ponovio je i Balcioğlu, pomoćnik načelnika za finansije, koji je kazao da je izrazito sretan kada vidi zadovoljne i sretne učenike koji su ih dočekali,

te da pred tim prizorom zaboravi na sve unaprijed napisane govore i kaže ono što mu leži na srcu. “Kada vidim koliko su ova djeca sretna još više mi je drago zbog onoga što smo učinili. Nekada nisu ni potrebne riječi jer mi razgovaramo srama,” kazao je Balcioğlu.

Priznanje Tradicionalnih zanatskih esnafa Općini Silivri

U Art kući sevdaha, u povodu Dana državnosti BiH, dodijeljena su priznanja Udruženja “Tradicionelni zanatski esnafi”, osobama koje su svojim djelima doprinijele razvoju i afirmaciji ove države. Tim povodom, posebno priznanje uručeno je delegaciji Općine Silivri iz Istanbula za podršku koju je ova općina pružila rekonstrukciji školskog objekta OŠ “Saburina“. Predsjednik Udruženja Nasir Jabučar, kazao je da se manifestacija organizuje već 15 godina, a priznanja daju onima koji su tokom te godine uradili nešto značajno za ovu državu i doprinijeli njenog afirmaciji.



Sa svečane priredbe u OŠ "Saburina"



Priznanje uručio Nasir Jabučar

Općinsko vijeće

32. sjednica

Općinskog vijeća

Općinsko vijeće Stari Grad Sarajevo na 32. redovnoj sjednici, donijelo je zaključak kojim se zadužuje Načelnik Općine da putem nadležnih službi pristupi izradi Odluke o uspostavi jedinstvenog registra nekretnina ove Općine. Iz Službe za imovinsko-pravne, geodetske poslove-katastar i stambene poslove, naglasili su da je Načelnik Općine još u martu ove godine formirao radnu grupu sa ciljem provođenja aktivnosti na evidentiranju imovine Općine, a na 32. sjednici vijećnicima je predočena i informacija o nekretninama na kojima je upisana Općina. Prethodno je interni revizor proveo reviziju koja je imala za cilj stvaranje Jedinstvenog registra imovine u vlasništvu Općine, uz preporuke pomenutoj službi, te Službi za privredu i Sektoru za informacione sisteme. U informaciji se navodi da je većina preporuka internog revizora već implementirana. Vijećnicima je predočena informacija o stanju komunalne čistoće na području općine u kojoj je, između ostalog, navedeno da je količina prikupljenog kućnog otpada u Starom Gradu, u prvih šest mjeseci ove godine, cca 8.000 tona.



Sa 32. sjednice

Navedeno je da je košena trava i kresano šiblje u 24 ulice, ili ukupno 56.500 m². Ipak, vijećnici su izrazili nezadovoljstvo stanjem komunalne čistoće u ovoj općini, naročito u padinskim dijelovima, te je predloženo održavanje tematske sjednice o ovoj temi kako bi se definisalo koji su to najveći propusti i eventualno pronašlo rješenje. Usvojen je i nacrt Odluke o zakupu stanova Općine Stari Grad koji će se uputiti u javnu raspravu u trajanju od 30 dana.

33. sjednica

Općinskog vijeća

Općinsko vijeće Stari Grad na 33. sjednici usvojilo je zaključak kojim je zadužilo Službu za privredu i finansije da pripreme izmjenjene Odluke o zakupu poslovnih prostora kojima će se definisati na koji način će se zakupci koji ne plaćaju dug za zakupninu deložirati iz poslovnih prostora, a u skladu sa izmjenama i dopunama Zakona o zakupu poslovnih zgrada i prostorija, koje su usvojene na sjednici Skupštine KS, održanoj 07. oktobra, 2015. godine. Izmjene ovog zakona omogućavaju



Izmjena i dopuna Zakona o zakupu poslovnih prostora

Općini da, ukoliko zakupac ne plaća zakupninu za poslovni prostor i vodi se sudski postupak za naplatu duga od četiri i više neplaćenih zakupnina, Općina ima pravo otkazati ugovor o zakupu, odnosno i prije sudske presude izvršiti iseljenje iz općinskog poslovnog prostora, a rješenjem naložiti zakupcu iseljenje iz općinskog poslovnog prostora u roku od osam dana. Na sjednici je zaključeno i da nadležna služba treba upoznati zakupce sa mogućnošću reprogramiranja duga, zatim da ista služba obavijesti Vijeće o tome koji su zakupci prihvatili tu mogućnost, kao i da utvrdi činjenično stanje o eventualnim podzakupima prostora. Nadalje, zaključeno je da Služba za privredu i finansije pripremi izmjene Odluke o zakupu poslovnih prostora kako bi se omogućilo da deložirani prostori budu predmetom javnog oglasa, uz obavezu prethodnog izmirenja duga. Na sjednici vijećnici su većinom glasova podržali Izvještaj o izvršavanju budžeta Općine Stari Grad za prvih devet mjeseci ove godine. Usvojen je i Nacrt budžeta Općine Stari Grad za 2016. godinu, kao i Nacrt odluke o izvršavanju budžeta za 2016. godinu koji će biti upućeni u javnu raspravu u trajanju od 30 dana.

34. sjednica

Općinskog vijeća

Općinsko vijeće Stari Grad usvojilo je na 34. sjednici zahtjev Hotela "Europa" za kupovinu prostora, po pravu preče kupnje, u ulici Kundurdžiluk broj 2. Radi se o dijelovima zgrade Hotela "Astra": podrum, prizemlje i dijelovi prostora na prvom i drugom spratu zgrade, u ukupnoj površini od 610,80 m². Na pomenutom objektu, Općina Stari Grad je uknjižena sa 1/3 dijela, kao nosilac prava raspolaganja, a "Veľefarmacija" sa 2/3 dijela, no ranije je Hotel "Europa" otkupio 2/3 dijela "Veľefarmacije" i uknjižio se kao vlasnik istih. Prodajom ovih prostora Hotelu "Europa", Općina Stari Grad Sarajevo će ostvariti prihod od 3.753.360 KM. Vijećnici su na sjednici predlagali usvajanje zaključka kojim bi se ova sredstva usmjerila na realizaciju nekog konkretnog projekta, kao što je izgradnja podzemnih garaža u ulici Šahinagića. Na kraju rasprave zaključeno je da do sljedeće sjednice nadležne službe pripreme spisak prijedloga o utrošku sredstava od ove prodaje i konkretne projekte o kojima bi se vijeće izjašnjavalo.



Lejla Cerić o Prijedlogu odluke o zakupu stanova

Na sjednici je usvojen i Prijedlog odluke o zakupu stanova Općine Stari Grad jer se donošenjem Zakona o zakupu stana, koji bliže reguliše problematiku davanja stanova u zakup, ukazala potreba da se donese Odluka o zakupu stana na lokalnom nivou. Prema riječima Lejle Cerić, pomoćnice načelnika za imovinsko-pravne, geodetske poslove-katastar i stambene poslove, ova odluka tretira stanove koji se mogu dodjeljivati u zakup licima, vrijeme trajanja zakupa, način davanja stana u zakup, definisanje ugovora itd. "Zakonom je regulisano da lica koja nisu otkupila stanove u vremenskom roku u kojem je to bilo predviđeno, moraju uzeti te stanove u zakup i taj zakup traje određeno vrijeme, a to je tri godine," pojasnila je Cerić. Navela je primjer stanova koji su pod restitucijom i dok se čeka na donošenje Zakona o restituciji, takvi stanovi se mogu dati u zakup. Tako je i sa stanovima koji su devastirani, a eventualni zakupac bi pristao na sanaciju uz priznavanje troškova.

Održane dvije tematske sjednice

Razmatran Prednacrt zakona o proglašenju zaštićenog pejzaža "Bentbaša"

Općinsko vijeće Stari Grad podržava aktivnosti koje se vode u cilju regulisanja zaštite područja Bentbaša i traže dodatno mišljenje od Komisije za očuvanje nacionalnih spomenika u vezi sa ovim projektom, zaključeno je na tematskoj sjednici održanoj 7. oktobra, 2015 godine. Zijada Krvavac, pomoćnica ministra prostornog uređenja, građenja i zaštite okoliša KS, vijećnicima je predstavila materijal i kazala da je u Kantonu Sarajevo do sada zaštićeno 2,30% teritorije. U svom izlaganju je kazala da, ukoliko se Bentbaša proglasi zaštićenim prostorom, bit će zadužena već predviđena služba nadzora, sa zadatkom kontinuiranog praćenja svih dešavanja na pomenutom prostoru. „U saradnji sa nadležnim inspekcijama sprječavat ćemo dalju devastaci-



Krvavac, Dodik i Olovčić

ju prostora, koja trenutno zahtijeva jednu značajnu ekološku restauraciju ukoliko želimo očuvati ostatak vrijednosti“, rekla je Krvavac.

Tokom rasprave bilo je dosta dilema

koje su u vezi sa obuhvatom, tj. zonom koja bi trebalo da obuhvata zaštićeni pejzaž Bentbaša. Kako je pojašnjeno predviđena zona je od „zelenog“ mosta na Bentbaši do Kozije ćuprije, te 100 metara desno i lijevo od Miljacke.

Najviše se raspravljalo o tome šta u stvari znači taj zaštićeni pojas i koja je njegova namjena, šta će biti sa projektom Aleja ambasadora, kojeg realizuje Općina, te koliko će uticati na jedan dio naselja Obhodža jer bi dio poljoprivrednog zemljišta bio obuhvaćen zaštićenom zonom.

Krvavac je pojašnjavala da se vodilo računa i o tim stvarima, te da za sve postoji rješenje i da građani neće biti oštećeni, a za sve nedoumice naći će se rješenje u skladu sa zakonima i propisima.

Općinsko vijeće nezadovoljno stanjem javnog gradskog saobraćaja

Općinsko vijeće Stari Grad izrazilo je nezadovoljstvo zbog stanja javnog gradskog saobraćaja, posebno u padinskim dijelovima Starog Grada, te zahtijevalo od nadležnih (Skupštine, Vlade i Ministarstva saobraćaja KS, te uprave i menadžmenta GRAS-a) da u roku od 15 dana obezbijede redovno obavljanje registrovanih linija putem GRAS-a, a ukoliko to nije moguće da obezbijede privremeno obavljanje prijevoza od strane drugog prijevoznika do trajnog rješenja. Ovaj zaključak donesen je na tematskoj sjednici održanoj 26. novembra. Niko od predstavnika kantonalne Skupštine, Vlade, Ministarstva saobraćaja i Inspekcije za saobraćaj Kantona Sarajevo, iako su bili pozvani na sjednicu, nije se pojavio. S obzirom da je inicijator tematske sjednice bio Vibor Handžić iz Naše stranke, vijećnicima i gostima detaljno je izložio problem koji imaju stanovnici padinskih dijelova Starog Grada već godinama. Iskazao je nezadovoljstvo zbog dugogodišnjeg problema koji

je iz dana u dan sve veći. Sjednici su prisustvovali i predstavnici savjeta mjesnih zajednica i veliki broj građana. „Želimo da se nešto hitno poduzme i uradi. Ukoliko GRAS ne može preuzeti obaveze, želimo drugog prijevoznika, ali ovako više ne može“, izričiti su bili građani.

U ime KJKP „GRAS“ prisutni su bili izvršni direktor Jakub Kubura i ru-

kovodilac minibuskog Sektora Mufida Čekić. Kazali su kako znaju za probleme građana i da su sve primjedbe tačne, te da im je žao što nemaju uslove tj. dovoljan broj vozila da bi mogli 'pokriti' u potpunosti sve registrovane linije. Na kraju sjednice vijećnici su jednoglasno izglasali zaključak kojim se nadležnima daje rok od 15 dana da osiguraju redovno odvijanje linija.



Prisustvovali i predstavnici KJKP "GRAS" i "Centrotrans-Eurolinesa"

Asfaltiranje starogradskih ulica

Na području općine Stari Grad u posljednja tri mjeseca asfaltirano je i sanirano 14 ulica. Radovi su izvedeni prema ugovoru o asfaltiranju ulica općine Stari Grad Sarajevo za 2015. godinu, potpisanog između Općine i firme KJKP „Rad“. Za asfaltiranje je izdvojeno više od 450.000 KM. Sve radove finansirala je Općina.

Logavina i Alije Đerzeleza

Rekonstruisana je i asfaltirana ulica Logavina u dužini od 386 metara, te obližnji sporedni krak ulice Alije Đerzeleza, u dužini od 70 metara. Nakon što je uklonjen stari asfalt, postavljeni su novi ivičnjaci i šahtovi. Postavljen je novi tampon i uređena kompletna ulica. Asfaltiranje obje ulice koštalo je oko 115.400 KM.

Alije Nametka

Na Sedreniku je asfaltirano 240 metara ulice Alije Nametka, dok je sanacija preostalih 200 metara ulice odgođena do proljeća. U preostalom dijelu ulice, oko 250 metara, nalazi se

kocka koja je na mnogim dijelovima potpuno uništena i preko nje je ranije postavljen asfalt ili beton. Ovi radovi bit će dosta zahtjevniji s obzirom da će preslaganje kocke duže trajati, te su stoga odgođeni do proljeća s obzirom da bi vremenski uslovi mogli dovesti do otežanog izvođenja. Projekat je koštao oko 161.400 maraka.

Nova Baruthana

Makadamski dio ulice Nova Baruthana je asfaltiran. Asfalt je postavljen u dužini od oko 201 metra i prosječnoj širini od oko tri i po metra. Sanacija je podrazumijevala čišćenje terena, postavljanje tampona, izdizanje šibera, poklopaca, šahtova, te

postavljanje asfalta. Za radove je izdvojeno 30.000 KM.

Brusulje

Asfaltirana je ulica Brusulje od broja 35 do 37. Novi asfalt postavljen je u dužini od oko 75 metara i širini od tri metra. Vrijednost radova je oko 9.500 KM.

Goloderica

Novi asfalt postavljen je u ulici Goloderica, u dužini od 25 metara i prosječnoj širini od oko tri metra. Urađeno je skidanje starog sloja asfalta, ugradnja i nabijanje tampona, izdizanje šahtova i rešetki za odvodnju i završno asfaltiranje. Projekat je koštao oko 2.700 KM.



Ulica Logavina



Ulica Alije Nametka



Ulica Alije Đerzeleza



Ulica Nova Baruthana



Ulica Brusulje



Ulica Terzibašina



Ulica Nevjestina



Ulica Goloderica



Ulica Rogina



Ulica Sarajevskih gazija

Terzibašina

Sanirana je i asfaltirana ulica Terzibašina, od tranzita do broja 21. Ulica je asfaltirana u dužini od 84 metara i prosječnoj širini od tri do šest metara. Sanacija i asfaltiranje koštali su oko 25.000 KM.

Rogina

Dio saobraćajnice u ulici Rogina, između brojeva 139 i 155 na Sedreniku, asfaltiran je. Tokom realizacije ovog projekta, prvo je uklonjen stari oštećeni asfalt i podloga koja je zamijenjena novom. Nivelisani su šahtovi i slivne rešetke za pravilnu odvodnju površinskih voda, nakon čega je postavljen novi asfalt. Radovi su koštali oko 12.200 maraka.

Kamenica

Prema projektu sanacije ulice Kamenica, uklonjen je stari asfalt, izvršeno nivelisanje šibera za vodu i postavljen novi sloj asfalta. Radovi na sanaciji ulice, od broja 20 do broja 34, koštali su oko 4.300 maraka.

Faletići

Saniran je i asfaltiran dio ulice na Faletićima, kod rezervoara. Radovi su izvedeni na osnovu ugovora o izvođenju radova na asfalti-

ranju ulica, a za njih je izdvojeno oko 23.500 maraka.

Nevjestina

Rekonstruisana je ulica Nevjestina (od hotela „Saraj“ do Balkanskog mevlevijsko-istraživačkog centra), dužine 266 metara. Prije asfaltiranja u ulici su urađena proširenja na četiri mjesta, radi lakšeg mimoilaženja vozila. Projekat rekonstrukcije koštao je oko 66.800.

Budakovići čikma

Ulica Budakovići čikma, nakon sanacije, dobila je novi asfalt. Sanirana je ulica dužine oko 94 metra i širine od tri i po metra. Vrijednost investicije iznosila

je oko 17.500 maraka.

Sarajevskih gazija

Urađeno je asfaltiranje dijela ulice Sarajevskih gazija, od broja 33 do broja 35. Sanirana je ulica dužine 26 i širine tri i po do osam i po metara. Za radove je izdvojeno oko 4.100 KM.

Mali Sedrenik

Asfaltiran je dio ulice Mali Sedrenik. Sanirana je ulica dužine 55 metara i širine od oko tri metra. Urađena je sanacija oštećenog asfalta, tj. isijecanje oštećenog asfalta s krpjenjem oštećenja, izdizanje šahtova na potrebnu visinu i na kraju asfaltiranje. Vrijednost radova: oko 6.500 KM.



Ulica Kamenica



Ulica Budakovići čikma



Ulica Faletići



Ulica Mali Sedrenik

Izveštaji

U 2015. godini fokus je bio na infrastrukturi, građenju, rekonstrukcijama



Izgrađena zgrada, sportsko igralište, konzerviran arheološki park ● Najveća investicija je na Baščaršijskom trgu ● Asfaltirano preko 4 km ulica u Starom Gradu ● Predstavljene najznačajnije aktivnosti svih službi/sektora

Kraj godine vrijeme je kada se sumiraju rezultati rada, procjenjuje efekat realizovanog i prave planovi za budućnost. Za Općinu Stari Grad i općinskog načelnika, zajedno sa svim općinskim službama, to je prilika da se predstave realizovani projekti, kako oni kapitalni koji podrazumijevaju milionske investicije, tako i oni finansijski manje vrijedni, ali za društvenu zajednicu itekako važni.

U Hotelu "Europa", općinski načelnik danas je održao novogodišnju press konferenciju na kojoj je predstavio najznačajnije aktivnosti u ovoj godini. U Općini Stari Grad, fokus je i u toku 2015. godine bio na infrastrukturi, ulaganjima u gradnju, rekonstrukcije i sanacije, te poboljšanje uslova života građana.

U narednoj godini radit će se još više

U ovoj godini izgrađena je zgrada i istambeno zbrinuto sedam socijalno ugroženih porodica, a korisnici Zavoda Mjednica,

gradnjom sportskog igrališta, nakon više od 50 godina dobili su moderan teren za sportske aktivnosti. Učenicima i nastavnom osoblju osnovne škole "Saburina" pruženi su uslovi za normalan rad, nakon što je rekonstruisan stari, dotrajali krov na objektu. Otvoren je konzervirani arheološki park At mehdan, a stanovnici ulice Strošići na Vratniku nakon više od 70 godina dobili su asfalt u svojoj ulici. Naravno, najveći investicioni projekat u ovoj godini bio je rekonstrukcija Baščaršijskog trga. Međutim, načelnik Hadžibajrić nije želio ponavljati projekte koji su već predstavljeni javnosti kazavši da su novinari u prethodnoj godini vrlo dobro pratili i izvještavali o radu Općine, te je radije govorio o planovima za narednu godinu.

U 2016. godini se nada da će biti urađeno i više. "Vlastitim sredstvima ćemo realizovati dva velika projekta, a to su izgradnja sale u OŠ "Mula Mustafa Bašeskija", za što ćemo izdvojiti oko 600.000 maraka i izgradnja fudbalskog igrališta na Faletićina, za što smo planirali oko 300.000 maraka." Hadžibajrić je dodao da će već na januarskoj sjednici Općinskog vijeća biti razmatrana odluka o

raspisivanju tenderske procedure za izbor izvođača za gradnju podzemne garaže i trga u ulici Šahinagića. "Taj projekat koštati će oko 6.000.000 KM. Predložiti ću Općinskom vijeću da krenemo u realizaciju ovog projekta vlastitim sredstvima s obzirom da je prošlo skoro dvije godine otkako smo aplicirali za kreditna sredstva kod Saudijskog fonda za razvoj, a još ih nismo dobili," kazao je Hadžibajrić. On je pojasnio da bi dio ovih sredstava bio izdvojen iz općinskog budžeta, dok bi se Općina i kreditno zadužila za dodatnih dva miliona maraka. Dodao je još i da bi se od garaža godišnje ostvarivala dobit od 850.000 KM, te bi eventualni kredit bio isplaćen za 4-5 godina.



Predstavljene najznačajnije aktivnosti

Najvažnije godišnje aktivnosti općinskih službi

Služba za komunalne poslove i služba za investicije, plan i analizu

Svi kapitalni i investicioni projekti, kao i oni iz oblasti infrastrukture, sanacije i rekonstrukcije, realizovani su putem ove dvije službe. Pored kapitalnih projekata o kojima smo pisali, ove godine na teritoriji Starog Grada asfaltirano je preko 4 kilometra ulica, te u njihovu sanaciju uloženo više od 1.2 miliona konvertibilnih maraka! Rekonstruisano je 36 ulica. U 2015. godini izgrađeno je i sanirano devet potpornih zidova u vrijednosti od 130.350 KM. Pregled projekata dostupan je na www.starigrad.ba.



Asfaltirano je preko 4 kilometra ulica

Ured sekretara organa državne službe

U Uredu sekretara organa državne službe za period do 14. decembra, 2015 godine, pokrenuto je ukupno 275 postupaka po Zakonu o javnim nabavkama.

Interni revizor

Prošle godine izvršene su tri sve revizorske aktivnosti koje su planirane Godišnjim planom: Rad i funkcionisanje mjesnih zajednica, Korištenje službenih vozila, Isplata nadoknada članovima općinskih komisija.

Služba za urbanizam

Uposlenici Službe za urbanizam 2015. godine zaprimili su 721 novi zahtjev, a iz prethodnih godina preneseno je 1.116 predmeta. Do 30. novembra, 2015. godine riješeno je 1.138 predmeta, što pokazuje da je riješeno 306 predmeta više nego što je zaprimljeno.

Služba za imovinsko pravne, geodetske poslove – katastar i stambene poslove

Odšjek za imovinsko pravne poslove je u periodu do novembra, 2015. godine, zaprimio 534 predmeta po kojim se vodio upravni postupak. Postupak je okončan za 467 predmeta, a 67 predmeta je ostalo na rješavanju. Procenat riješenosti predmeta za izvještajni period je 87 %. Prihodi koje je ova Služba ostvarila ove godine su ukupno: 1.993.234,25 KM

Služba za privredu i finansije



Naplaćeno od zakupnina 5.961.538,80 KM

U toku 11 mjeseci ove godine Služba je od zakupa poslovnih prostora naplatila 5.961.538,80 KM, pa je procenat naplate 96 %. U oblasti poljoprivrednih resursa dodijeljeno je 17 plastenika, 19.040 komada sadnog materijala, 47 poljoprivrednih proizvođača dobilo je poticaj u iznosu od 24.855 KM, podijeljeno je 167 košnica za 48 pčelara, itd.

Služba za obrazovanje, kulturu i sport

Organizaciono-finansijsko učešće u realizaciji projekata, aktivnosti i manifestacija iz oblasti: obrazovanje - 16 događaja, sport - 17 događaja, kulture - 22 događaja. Za organizaciju i realizaciju raznih vidova pomoći učenicima iz socijalno ugroženih porodica i učenicima s invaliditetom s područja Općine Stari Grad izdvojeno je cca 70.000 KM.

Sektor za lokalni razvoj

Finansirano je 13 projekata prispjelih na Javni poziv. Ukupna vrijednost oko 96.000 KM.

Služba civilne zaštite

Ekipa civilne zaštite je na terenu zajedno sa pripadnicima specijalizovane jedinice pri DVD Vratnik radila na zaštiti korita rijeke Moščanice. Zbog velikih oborinskih voda na području Općine Stari Grad, pojavile su se zmiije i štakori koje je Služba civilne zaštite evidentirala i na najugroženijim mjestima područja Općine, tačnije na potezu Drvenija - Kozija ćuprija urađena je deratizacija i dezinfekcija

Služba za opću upravu

Do novembra 2015. godine, putem šaltera za prijem podnesaka i Centralne pisarnice primljeno je i obrađeno 14.592 predmeta. Na referatu za vođenje matičnih knjiga izdato je 37.220 izvoda iz matičnih knjiga, od toga: upisi u Matičnu knjigu rođenih i Knjigu državljana - 619, upisi u Matičnu knjigu umrlih - 419. Izvršeno je 486.619 ovjera dokumenata i 68.696 legalizacija potpisa.

Služba za boračko-invalidsku i socijalnu zaštitu

U toku 2015. godine, putem Službe za boračko-invalidsku i socijalnu zaštitu je isplaćeno 189.000 KM stipendija učenicima i studentima iz porodica boračke populacije. Kao jednokratna pomoć boračkoj populaciji povodom Dana Općine Stari Grad Sarajevo, Dana šehida i Bajrama isplaćeno je ukupno 60.000 KM (za 600 lica).

Sektor za odnose s javnošću i is



Na web stranici zabilježeno 140.000 posjeta

Sektor za odnose s javnošću Općine Stari Grad Sarajevo pripremio je i objavio četiri broja biltena "Starogradski Haberi". Na web stranici Općine Stari Grad, ove godine objavljene su 822. vijesti, a u printanim medijima objavljeno je ukupno 719 tekstova. Sektor za odnose s javnošću je u toku 2015. godine organizovao ukupno 25 press konferencija.

Sektor za tehničke poslove i obezbjeđenje

Sektor za tehničke poslove i obezbjeđenje vršio je tekuće i tehničko održavanje zgrade Općine i drugih općinskih prostorija i objekata, kao i fizičko obezbjeđenje zgrade Općine i drugih općinskih prostorija i objekata.

Sektor za poslove mjesnih zajednica

Sektor za poslove mjesnih zajednica, u okviru kojeg je 16 mjesnih zajednica Općine Stari Grad Sarajevo, primio je do novembra ove godine 18.711 stranaka. Sekretari mjesnih zajednica su u navedenom periodu 3.518 puta izlazili na teren, izdali 289 potvrda i 1.566 kućnih listi.

Sektor za inspeksijske poslove

Sektor za inspeksijske poslove je u toku 2015. godine izvršio ukupno 790 uvida na terenu (zapisnici), od čega 318 uvida po službenoj dužnosti i 567 uvida po zahtjevima stranaka. Komunalni redari su imali 995 izlazaka na teren.

Nove zaštitne ograde u tri ulice



Safvet-bega Bašagića

Postavljene su rukohvatne, zaštitne ograde u ulicama Safvet-bega Bašagića i Grličića brdo, te na stepeništu u ulici Adžemovića. S obzirom da se radi o terenima sa većim nagibom, postavljanje ovih rukohvata olakšalo je kretanje građanima, pogotovo u zimskom periodu. U ulici Grličića brdo postavljena je zaštitna ograda dužine 54 metra, u ulici Safvet-bega Bašagića dužine 22 metra, a u ulici Adžemovića 30 metara.

„Ugrađeni su klasični rukohvati koji su zaštićeni temeljnim antikorozijskim premazom. Nakon montiranja i zavarivačkih kompletni rukohvati lakirani su uljanim lakom zelene boje“, pojasnili su iz Službe za komunalne poslove Općine.

Sve radove je izvodila firma „Fadž Company“ iz Sarajeva, a finansirala ih je Općina Stari Grad, s iznosom od oko 8.900 KM.

Saniran trotoar na Baščaršiji



Asfaltiran trotoar dužine 80 metara

Trotoar preko puta tramvajskog stajališta Baščaršija, koji je zbog radova na rekonstrukciji Baščaršijskog trga u Starom Gradu bio oštećen, saniran je. Prilikom radova i spajanja komunalne infrastrukture u predviđene cjevovode i šahtove, urađen je prokop pješačke staze u dužini od oko 80 metara. Sanacijom su zatvoreni prokopi, postavljen tampon, a trotoar je asfaltiran, potvrđeno je u Službi za komunalne poslove Općine. Radovi su koštali oko 9.900 maraka, a izvođač radova je bila firma KJKP „Rad“.

Projekti

Nastavljena restauracija Saburine kuće



Završena sanacija ogradnog zida i ulazne kapije

Sanacija i restauracija stambene cjeline Saburina kuća, koja je 2006. godine proglašena nacionalnim spomenikom BiH, nastavljena je kroz treću i četvrtu fazu. U sklopu treće faze planirani su građevinsko-zanatski radovi tj. sanacija ogradnog uličnog zida, ulazna kapija, a postavit će

se i krov cijelom dužinom zida. Dio četvrte faze obuhvataće enterijerske radove tj. sanaciju kuhinje, sećije u gornjem halvatu, postavljanje maski za radijatore, te ugradnju dolafa (zaštite za bojlere). Vrijednost investicije je oko 57.900 maraka, a izvođač je firma Neimari iz Sarajeva.

Rekonstrukcija stepeništa u ulici Adžemovića



Radovi koštali oko 18.000 KM

Urađena je rekonstrukcija kamenog stepeništa u ulici Adžemovića, u mjesnoj zajednici Logavina. Radovi su se izvodili u dvije faze. Prva je uključivala radove na kišnoj kanalizaciji i poprečnoj drenaži. „Položene su kanalizacione drenažne cijevi, te spojeni oluci na novu kišnu kanalizacionu cijev“, pojasnili su u Službi za investicije, plan i analizu Općine.

Radove drenaže i izrade priključaka za oluke izvodila je firma „Set invest“ iz Sarajeva, a vrijednost radova je bila oko 11.000 maraka.

„Druga faza radova podrazumijevala je izgradnju armirano-betonskog stepeništa i ugradnju postojećih kamenih ivičnjaka“, istakli su iz Službe. Ove radove izvodila je firma „Balkan kamen“ iz Sarajeva, a radovi su koštali oko 7.000 KM.



Novi krov nad glavom za sedam porodica

Dobili stanove nakon više od dvadeset godina • Ovo je treća zgrada za građane izgrađena u posljednje četiri godine • Investicija vrijedna oko 670.000 KM

Sedam porodica s područja Starog Grada, 29. decembra, 2016. godine dobili su ključeve i ugovore za korištenje stanova u novoizgrađenoj zgradi za socijalno stanovanje u ulici Čadordžina. Ovim porodicama je, nakon više od 20. godina čekanja, trajno riješeno njihovo stambeno pitanje.

Zgradu za socijalno stanovanje u ulici Čadordžina, mjesna zajednica Logavina, izgradili su Općina Stari Grad Sarajevo i Evropska unija, dok je implementator projekta bila Humanitarna organizacija „Hilswerk Austria International“, u saradnji sa organizacijom FLD. Zemljište, kao i sve neophodne dozvole za gradnju objekta, obezbijedila je Općina Stari Grad.

Načelnik Općine Stari Grad Ibrahim Hadžibajrić kazao je kako je Općina u ovom projektu učestvovala sa oko 220.000

Lista korisnika stanova

Odabir porodica za stanove u Čadordžinoj uradila je Komisija za izbor korisnika projekta „Sistem socijalnog stanovanja SHS“ Općine Stari Grad. Ugovore i ključeve stanova dobili su: Husnija Kapo, Alisa Kavaz, Alma Mačugan, Anela Kadić, Rifat Lilić, Fadila Imeri i Dženana Sokolović.

KM, a Evropska unija sa 450.000 KM.

„Pored uplaćenih 50.000 maraka, Općina je osigurala zemlju čija je vrijednost oko 100.000 KM, oslobodila sve subjekte od plaćanja renti, te obezbijedila dozvole. Izdvojili smo i oko 70.000 KM za vodovodne i kanalizacione priključke, te elektroinstalacije“, istakao je Hadžibajrić, podsjetivši da je ovo treći objekat ove vrste izgrađen u Starom Gradu, a drugi koji se useljava. „Iskreno se nadam da ćemo i objekat na Baruthani, koji je namijenjen za useljenje 11 interno raseljenih osoba, na proljeće završiti“, pojasnio je Hadžibajrić.

Preuzimanjem ugovora i ključeva svoje stambeno pitanje riješila je Alisa Kavaz, jedna od stanarki zgrade u Čadordžinoj.

„Šta da vam kažem, presretna sam. Riješila sam krov nad glavom i sada sa svojim djetetom mogu mirno da živim“, rekla je Alisa.



Načelnik Hadžibajrić sa korisnicima stanova



Jašarević i Hadžibajrić presjekli vrpцу



Satnovi su veličine 40 i 50 m²

Ceremoniji otvaranja zgrade u Čadordžinoj prisustvovala je i Suzana Jašarević, šefica Misije u BiH „Hilswerk Austria International“, koja je zajedno sa načelnikom Hadžibajrićem uručila ugovore i ključeve korisnicima stambenih jedinica.

Općina plaćala sekundarni smještaj

Novo stanove dobile su porodice koje su u stanju socijalne potrebe, imaju neriješeno stambeno pitanje, a Općina im je do sada plaćala sekundarni smještaj, korisnici su stalne novčane pomoći, samohrani roditelji, invalidi, bez primanja itd.

Zimsko održavanje cesta u Starom Gradu



Održavanje se radi po prioritetima

Općina Stari Grad Sarajevo, putem Službe za komunalne poslove, pripremila je i ove godine program zimskog održavanja cesta u Starom Gradu, po prioritetima.

Prioriteti uklanjanja snijega sa saobraćajnica su definisani u skladu sa "Pravilnikom o održavanju javnih cesta". U skladu s tim, na saobraćajnicama I prioriteta radovi na obezbjeđenju prohodnosti se moraju izvoditi permanentno u cilju obezbjeđenja stalne prohodnosti i dovršiti u roku od pet sati u nizinskom, odnosno osam sati u padinskom području, računajući od trenutka prestanka padavina.

Na saobraćajnicama II prioriteta u vrijeme snježnih padavina i pojave ledene kiše ne smije doći do zastoja u odvijanju saobraćaja dužeg od šest sati u toku dana.

Na saobraćajnicama III prioriteta obaveza stvaranja uslova za sigurno odvijanje saobraćaja je najduže 72 sata po prestanku padavina.

Saobraćajnice IV prioriteta koje nisu uvijek prohodne zbog male širine i njihove zakrčenosti vozilima čiste se kada se za to steknu uslovi.

Isporučeno
96.400 kg
industrijske soli



So za posipanje ulica

Za potrebe stanovništva najstarije gradske Općine tokom decembra isporučena je industrijska so mjesnim zajednicama. Podijeljeno je 96.400 kg soli za posipanje ulica.

„S ciljem lakšeg održavanja ulica, stepeništa, pješačkih prelaza i ostalih prilaza, so je distribuirana mjesnim zajednicama i punktovima koji su određeni ranijih godina“, pojasnili su iz Sektora za poslove mjesnih zajednica. Sve mjesne zajednice na području Starog Grada dobile su predviđene količine industrijske soli.

Projekti

Izgradnja potpornih zidova

U protekla tri mjeseca na području Općine Stari Grad Sarajevo izgrađeno je pet potpornih zidova i to u ulicama: Obhodža, Podcarina, Jarčedoli, Boguševac i Bistrik brijeg. Svi projekti koštali su oko 85.000 maraka, a finansirala ih je Općina Stari Grad Sarajevo.

Ulica Obhodža

Potporni zid u ulici Obhodža bb (u blizini mosta Bosansko-turskog prijateljstva) izgrađen je u dužini od 30 metara. Gradnja ovog koštala je oko 17.000 KM, a izvođač radova bila je firma „Sela“ iz Sarajeva.

Ulica Podcarina

Novi armirano-betonski zid izgrađen je u ulici Podcarina broj 27, koja se nalazi na Velikom Alifakovcu u dužini od oko 22 metara i visini od jedan i po metar. Izgradnju zida Općina je finansirala sa oko 11.700 KM, a izvođači radova su bili firme „Prokon“ i „PBP“.



Obhodža



Podcarina



Bistrik brijeg

Ulica Jarčedoli

U ulici Jarčedoli, u naselju Popov gaj izgrađen je zid s donje strane ulice, u dužini od 24 metra. Ovaj zid je izgrađen da bi se ulica proširila radi lakšeg mimoilaženja auta. Radovi su koštali oko 13.300 maraka, a izvodila ih je firma KJKP "Rad".

Ulica Boguševac

Armirano - betonski potporni zid, dužine 32 metra izgrađen je u ulici Boguševac, u mjesnoj zajednici Toka - Džeka. Projekat izgradnje novog zida koštao je oko 20.000 KM, a izvođač radova je bila firma „Sela“ iz Sarajeva.




Jarčedoli



Boguševac

Ulica Bistrik brijeg

Nakon uklanjanja starog, ruševnog zida u ulici Bistrik brijeg do broja 6, izgrađen je novi potporni zid dužine oko 13 metara i visine oko tri metra. Radove na izgradnji izvodila je firma "Bosman", a vrijednost ove investicije iznosi oko 23.000 KM.



Za poticaj stočarstva izdvojeno oko 25.000 KM

Načelnik Ibrahim Hadžibajrić potpisao je 12. novembra, 2015. godine ugovore o stimulisanju stočarske proizvodnje s 47 stanovnika Starog Grada. Prednost pri odabiru korisnika donacije imali su nezaposleni demobilisani borci, demobilisani borci penzioneri i poljoprivredni proizvođači koji već imaju tradiciju u oblasti stočarske proizvodnje. Načelnik Hadžibajrić istakao je kako Općina namjerava i u narednom periodu pomagati razvoj poljoprivredne proizvodnje u Starom Gradu. „Ovogodišnjim budžetom za stočarsku proizvodnju predviđeno je oko 25.000 KM, tako da ove godine dodjeljujemo

poticaj za 47 stanovnika Starog Grada koji se bave stočarstvom“, kazao je Hadžibajrić. Dodao je kako je Općina ove 2015. godine dodijelila i plasćenike i sadni materijal, te poticaj u vidu jagodičastog voća, kao što su maline. Senad Resić, šef Odsjeka za privredu, kazao je kako je Općina prepoznala potrebu da pomogne poljoprivrednim proizvođačima, te da već treću godinu zaredom izdvaja novac za stočarsku proizvodnju.



Elvir Omeragić uspješno se bavi stočarstvom

Korisnici zahvalni na pomoći

Ugovor o poticaju potpisao je i Elvir Omeragić koji se bavi stočarstvom. „Imam 120 ovaca matičnog stada i isto toliko janjadi. Isključivo se bavim stočarstvom jer sam nezaposlen. Od stočarstva se može živjeti i preporučujem svima koji imaju uslove da se počnu baviti ovim poslom“, kazao je Elvir.

Parkirališta za bicikle u Starom Gradu

Biciklistička parkirališta, izgrađena u saradnji Općine Stari Grad i Udruženja „Giro di Sarajevo“, postavljena su u oktobru, a nalaze se preko puta Doma oružanih snaga BiH, kod autobusnog stajališta. Parkiralište se sastoji od osam stalaka, na dvije strane ulaza u park po četiri stalka, i ima kapacitet za 16 bicikala.

Izgradnju parkirališta za bicikle, kod Katredrale prošle godine i novoizgrađenog, finansirala je sa oko 2.000 KM Općina, a izvođač radova je bila firma „Fadž Company“ iz Sarajeva. Autori idejnog rješenja parkirališta za bicikle su dipl. ing. Amina Sokolović i Damir Margeta, magistar saobraćajne struke.

Donirano vozilo za pacijente UKCS-a



Čengić, Deljković, Tanović i Dodik

Općina Stari Grad donirala je vozilo marke Škoda Roomster Univerzitetском kliničkom centru Sarajevo, a u ime načelnika Ibrahima Hadžibajrića ključeve vozila prof. dr. Harisu Tanoviću, uručila je Amina Deljković, pomoćnica za obrazovanje, kulturu i sport. Svečanoj primopredaji prisustvovali su i predsjedavajući Općinskog vijeća Stari Grad Vedran Dodik i vijećnik Kluba SDP-a u Općinskom vijeću Stari Grad, Irfan Čengić, od kojeg je i potekla ova inicijativa.

Pomoćnica Deljković podsjetila je da je odluka o donaciji vozila usvojena na 30. sjednici Općinskog vijeća Stari Grad, te da je vozilo namijenjeno za potrebe prevoza pacijenata oboljelih od karcinoma. „Drago mi je što sam se danas našla u ovoj humanoj ulozi. Vozilo koje doniramo je u dobrom stanju, servisirano je i nadamo se da će Kliničkom centru omogućiti bolje uslove u zbrinjavanju pacijenata,“ kazala je Deljković. Prof. dr. Tanović, šef hirurških disciplina na UKCS-u, se zahvalio na donaciji istakavši da Općina Stari Grad kontinuirano pomaže rad UKCS-a.

Predsjedavajući Dodik je naglasio da je inicijativa o donaciji vozila UKCS-a potekla od vijećnika Irfana Čengića, a ostali vijećnici su je podržali. „Da smo imali veće mogućnosti, donirali bismo sigurno i više. Ali, vrijeme je pred nama, a potrebe će sigurno uvijek postojati...“ kazao je Dodik. Irfan Čengić je objasnio da je do ove inicijative došlo iz želje da se pomogne građanima koji su oboljeli od karcinoma, ali i onima koji rade sa njima. „U našoj zemlji često čujete da neko nije nadležan za neki problem. Općina Stari Grad nije nadležna za zdravstvo, ali mi smo prepoznali rad UKCS-a i željeli smo da pomognemo u daljem razvoju. Također, željeli smo da pomognemo građanima koji su oboljeli od karcinoma,“ kazao je vijećnik Čengić.

Banka koštane srži imat će sjedište u Mostaru



Sučeska, Hadžibajrić i Tuco

Prva bosanskohercegovačka Banka koštane srži, sa registrom koji dosad broji 1.000 tipiziranih uzoraka, zahvaljujući zalaganjima i naporima NVO "Mala" i svesrdnoj podršci Općine Stari Grad, bit će formirana u Mostaru. Saopćeno je ovo press konferenciji održanoj u Općini Stari Grad 17. novembra, 2015. godine, tokom koje je naglašeno da je ova Općina, na čelu sa načelnikom Ibrahimom Hadžibajrićem prva prepoznala značaj ovog projekta. "Ovo je prva Općina koja nas je podržala, stavila nam na raspolaganje svoje resurse, pružila finansijsku podršku, a načelnik Ibrahim Hadžibajrić je naš ambasador i prvi registrirani donator", kazala je Amela Sućeska, projekt menadžer NVO "Mala".

"Prema procjenama, u BiH godišnje 60-ak ljudi treba transplantaciju, a od tog broja 46 završi smrtnim slučajem," kazao je Abdulkadir Tuco, predsjednik NVO "Mala". Za transplantaciju je do sada trebalo izdvojiti oko 300.000 KM, a obavljale su se u inostranstvu.

"Ovim načinom mi ćemo moći raditi transplantacije u Mostaru po cijeni od 80-100.000 KM, s tim da će naš zdravstveni fond koji svi mi punimo morati participirati iznosom od 60% do 70%," pojasnio je Tuco.

"Naš cilj je da u Mostaru, uz Banku, napravimo savremeni transplantacijski centar, sa certificiranom laboratorijom i sterilnim sobama," kazala je Sućeska. Dobivanjem adrese Banke koštane srži, BiH će postati članicom Eurotransplanta.

Novosti



Lokalni sistem integriteta dobar, uz mogućnost unapređenja

Općina Stari Grad Sarajevo dobila je dobru ocjenu procjene sistema integriteta, na osnovu istraživanja koje je proveo Transparency International BiH, uz zaključak da postoji dobra osnova za još bolji razvoj i unapređenje. Procjena je rađena u 10 jedinica lokalne samouprave u BiH, na osnovu metodologije koju je sačinio Transparency International, a koja je globalno

testirana. Ključni akteri koji su bili uključeni u ovu procjenu su: Općinsko vijeće, lokalna izvršna vlast, lokalna administracija i lokalne političke stranke. Lejla Ibranović, vršilac dužnosti izvršnog direktora Transparency International BiH istakla je da je cilj istraživanja bio da se utvrde slabosti u funkcionisanju sistema kako bi se formulisale preporuke za njihovo otklanjanje. Ibrahim Hadžibajrić, načelnik Općine Stari Grad, pojasnio je da se Općina u ovo istraživanje uključila prije dvije godine, te da je zadovoljan rezultatima. Na pitanje koju je ocjenu Općina Stari Grad generalno dobila u potpunom istraživanju, iz Transparency Internationala su kazali da cilj ove studije nije bio da se rangiraju općine koje su učestvovala, ali da se općenito može reći da je Stari Grad dobro ocijenjen, i iznad prosjeka koji su zauzele ostale općine.

Usvojiti Plan integriteta

Među preporukama koje je TI iznio nakon provedene studije su: povećanje stepena učešća građana u procesima donošenja odluka (ne samo kroz javne rasprave nego i druge mehanizme), razvijanje mehanizma neposredne komunikacije vijećnika i građana, tzv. vijećnički sat, zatim usvajanje Plana integriteta za borbu protiv korupcije, unapređenje transparentnosti rada lokalnih političkih partija, jačanje sistema internih revizija...

Novi arhivski regal

Općina Stari Grad je kupila novi mobilni arhivski regal koji će služiti za arhiviranje dokumentacije svih općinskih službi. Kako Služba za opću upravu do sada nije raspolagala ovim regalom, arhivirana dokumentacija bila je adekvatno čuvana, ali u vrlo otežanim uslovima zarad. "Ovaj arhivski regal je znatno unapređenje za odlaganje i manipulaciju arhivskom građom," kazala je Hidajeta Kadrić, pomoćnica načelnika za opću upravu. Arhivski regal ima pet pokretnih jedinica



Arhivski regal Općine Stari Grad

i 240 polica, a njegova vrijednost je oko 25.000 KM.

Selekcija s Hrida jesenji prvak BH Telecom lige

Jesenji prvak BH Telecom fudbalske lige osnovnih škola Starog Grada je selekcija Osnovne škole "Šejh Muhamed ef. Hadžijamaković". Nakon trijumfa nad selekcijom "Edhem Mulabdić" rezultatom 2:0, osigurali su sebi prvo mjesto u jesenjoj polusezoni prvenstva, koje će biti nastavljeno na proljeće. Poslije odigranih deset kola najbolji strijelac je Aldin Pojata sa postignutih 17 golova, zatim Kanan Isanović sa osam i Adnan Halvo sa šest pogodaka.

Na tabeli je ubjedljivo prva selekcija osnovne škole "Šejh Muhamed ef. Hadžijamaković" sa osvojenih 27 bodova, a iza nje po 20 bodova imale su selekcije škola "Edhem Mulabdić" i "Vrhbosna". Slijede škole: "Mula Mustafa Bašeskija" (11), "Hamdija Kreševljaković" (8) i "Saburina" bez bo-



Jesenji prvak ekipa s Hrida

dova. Gosti 10. kola bili su Faruk Hadžibegić, bivši selektor reprezentacije BiH i igrač FK „Sarajevo“ i Nijaz Ferhatović, bivši igrač FK „Sarajevo“.

Jesenja polusezona BH Telecom fudbalske lige osnovnih škola Starog Grada počela je 17. septembra, 2015. godine i trajala je do 19. novembra, 2015. godine. Proljetna polusezona trajat će od marta do maja, 2016. godine.

Ekipa OŠ „Saburina“ pobjednica Lige košarke



Prvo mjesto OŠ "Saburina"

Ekipa osnovne škole „Saburina“ osvojila je prvo mjesto u košarkaškoj ligi za učenike osnovnih škola Starog Grada. Drugo mjesto pripalo je ekipi Osnovne škole „Vrhbosna“, dok je trećeplasirana bila ekipa Osnovne škole „Šejh Muhamed ef. Hadžijamaković“. Finalnoj utakmici koja je održana 11. novembra, 2015. godine u OŠ „Saburina“, prisustvovao je i Ibrahim Hadžibajrić, načelnik Općine Stari Grad, koji je prvoplasiranoj ekipi uručio pehar, zlatne medalje i diplome.

Odbojkašice iz Logavine najbolje u odbojkaškoj ligi

Završen je jesenji dio BH Telecom odbojkaške lige osnovnih škola Starog Grada. Zbog loših vremenskih uslova i završetka školske godine, nije odigrano

posljednje, peto kolo. Odbojkašice ekipe „Mula Mustafa Bašeskija“, nakon odigranog 4. kola zauzele su prvo mjesto na tabeli pobijedivši selekciju „Šejh Muhamed ef. Hadžijamaković“ rezultatom 1:2 u setovima. Selekcija „Mula Mustafa Bašeskija“ ima osam bodova, a iza njih je ekipa Šejh Muhamed ef. Hadžijamaković“ (6), „Vrhbosna“ (4) i „Saburina“ (4), „Hamdija Kreševljaković“ (2), dok je „Edhem Mulabdić“ i dalje bez bodova. Proljetni dio Lige igrat će se od 03. februara do 02. marta, 2016. godine, a pokrovitelj projekta je BH Telecom.



Prva na tabeli ekipa "Mula M. Bašeskija"

Osnovci dobijaju online platformu BOOKVAR.COM



Musić i Hadžibajrić

Načelnik Općine Stari Grad Ibrahim Hadžibajrić i direktorica kompanije Akademija 387 Jovana Musić potpisali su 18. novembra Memorandum o saradnji na realizaciji projekta dodatne edukacije iz oblasti informacionih tehnologija za osnovce sa područja Starog Grada. Učenicima šest osnovnih škola u Starom Gradu bit će ponuđena online obrazovna platforma BOOKVAR.COM putem koje će moći usvajati znanja iz oblasti informacionih tehnologija kroz naredno polugodište. Ideja je da u kreiranju sadržaja na ovoj platformi učestvuju i nastavnici informatike iz ovih škola, kako bi se materijal prilagodio obrazovnom sistemu, a učenicima će biti podijeljeni kodovi putem kojih će moći pristupiti platformi, učiti i na kraju biti ocjenjivani.

Cilj Akademije 387 da učenici zavole informacione tehnologije i da se potencijalno time bave jednog dana jer je to vrlo prosperitetno zanimanje i nudi niz mogućnosti, istakla je Jovana Musić. Načelnik Hadžibajrić je istakao da ovim projektom Općina podstiče učenike da usvajaju nova znanja.

„Ovo je mali korak gdje ćemo mi pokušati da djecu iz osnovnih škola, od šestog do devetog razreda, afirmišemo i educiramo o informacionim tehnologijama. Oni će moći iz svojih kuća pristupiti programu čime će se usavršavati i edukovati o IT tehnologijama,“ kazao je Hadžibajrić.

Pilot projekat

Online platforma BOOKVAR.COM je pilot projekat kompanije Akademija 387 i prvi put se primjenjuje u BiH, upravo u Općini Stari Grad Sarajevo. Projekat je vrijedan 4.000 KM, a finansiraju ga u jednakim omjerima Općina Stari Grad Sarajevo i Akademija 387.



Projekat namijenjen osnovcima

Predstavljamo uspješne male privrednike iz Starog Grada

Elsad Čukurija, vagar koji čuva prošlost od zaborava

Vagarstvom se bavi preko trideset godina ● Jedini je zanatlija-vagar u cijeloj zemlji ● Najstarija terezija u njegovoj radnji ima preko 80 godina

Jedno od rijetkih mjesta u našoj zemlji, gdje se još mogu vidjeti radnje sa starim zanatima, je Bašćaršija. Mnogi zanati su odavno izumrli, a rijetke zanatlije bore se da i ovo malo što je ostalo ne padne u zaborav. Zanatlijom zovemo onoga koji od toga rada živi, a živjeti od zanata u današnje vrijeme sve je teže i teže. Pogotovo, ako ste jedini zanatlija-vagar u cijeloj zemlji. Posjetili smo Elsada Čukuriju u Sagrdžijama, u njegovoj radnji za popravku vaga, gdje se prošlost i tradicija nadmeću sa sadašnjošću i modernim. U njegovoj radnji prošlost i sadašnjost su na dva tasa, prošla vremena i tradicija bore se da ih ne pregazi vrijeme i nadvlada neki moderni oblik i digitalizacija.

Digitalne vage zamijenile terezije

Preko trideset godina Elsad Čukurija bavi se ovim zanatom koji je davne 1982. godine počeo učiti kod porodice Misić, tada poznate po bavljenju vagarstvom. Vremena su tada bila drugačija i koristile su se mehaničke vage: kantar, terezija i pijačna vaga. Radilo se i živjelo od svog rada. Rat je sve zaustavio, a poslije se krenulo sporim koracima.

„Svoju zanatsku radnju za popravku i baždarenje vaga otvorio sam 2001. godine i ona je trenutno jedina zanatska radnja za popravku vaga u BiH,“ kaže Čukurija.

Često ide u antikvarnice i traga za starim vagama koje za njega imaju veliku vrijednost, a u svojoj mnogobrojnoj kole-



Ovim Zanatom se počeo baviti davne 1982. godine

KO SU BILI KANTARDŽIJE

Kantardžije su dobili ime po kantar (lat. sprava za mjerenje težine, vaga-kantar), svom glavnom proizvodu. Osim toga oni su pravili i tzv. kantar-terezije i terezije koje se od kantara razlikuju po tome jer je na njima za polugu kantara sa tri lanca privezana posuda slična dubljoj tepsiji. I kantar i kantar-terezija su jednokrake vage, a dvokrake vage su terezije, dok su utezi bili drami. Izrađivali su se mali (mjere do 50 oka) i veliki kantari (mjere do 100 i više oka).

kciji izdvaja sedam posebno vrijednih i njemu dragih.

Najstarija terezija koju posjeduje je iz 1934. godine. To je jednostavna vaga sa dva tasa koja vise na lancu preko jedne osovine što joj daje jednostavnost, ali i preciznost. „Nažalost, ove vage se sve više povlače iz upotrebe, čak i u selima, a u gradovima su u potpunosti zaboravljene i povučene iz upotrebe i zamijenile su ih savremene, digitalne vage“, sa žalošću priča ovaj zanatlija.

Od zanata se živi

Da ne bi bio primoran zatvoriti radnju. Čukurija se nastoji nositi sa novim vremenima i korištenjem modernih digitalnih vaga, s obzirom da su mehaničke sve manje u upotrebi, iako tvrdi da je njihov kvalitet neupotan, a životni vijek puno duži od digitalnih. Naglašava da se bavi isključivo popravkom vaga, ne i prodajom.

„Uprkos teškim vremenima, uz ovu zanatsku djelatnost može se živjeti,“ završava svoju priču Čukurija.



Jedina zanatska radnja za popravku vaga u BiH



Tas vaga

Stavo Sarajevo

Piše: **MUFID GARIBIJA**, sarajevski arhitekta

Čekrčijina džamija - Čekrčinca

Na istočnom ulazu u Sarajevo, u samoj Baščaršiji, nalazi se džamija sa najstarijom kupolom u gradu. Ujedno, ona spada i u red najstarijih džamija i mesdžida u Sarajevu. Izgrađena je 1526. godine, a njen vakif bio je hadži Mustafa Čekrčija Muslihudin.

Ovaj čovjek bijaše jedan od rijetkih zanatlija koji su se bavili izradom čekrka, pa je po tome i dobio prezime Čekrčija. Radeći u ovom esnafu, veoma se obogatio, ali ga novostečeni imetak nije omeo u duhovnom rastu. Za njega se pouzdano zna i preporučava da je bio jedan od svetih ljudi, odnosno evlija.

Pričali su tako ondašnji građani koji su išli na hadž, da su u Meki sretali hadži Čekrčiju, iako bi on sve to vrijeme boravio u Bosni.

Od vlastitih sredstava zarađenih na prodaji čekrka napravio je džamiju, a ujedno je kupio i uvakufio veliko zemljište u samom centru grada, gdje se danas nalazi Veliki park. U neposrednoj blizini bila je i kuća u kojoj je živio. Taj bogougodnik je živio sasvim skromno i bio je posvećen vjeri. Ukopan je u mezarju na zemlji koju je uvakufio, a tu se i danas nalazi njegov mezar, pored Spomen obilježja ubijenoj djeci

opkoljenog Sarajeva 1992-1995.

Jedina gradska džamija bez harema i mezaristana

Džamija je opasana debelim kamenim zidovima, sa visokom i vitkom minaretom. Njena kupola je veoma neobična zbog niskog luka. Takva vrsta kupole naziva se „pritisnuti luk“ i rijetkost je na Balkanu. Osim niske kupole, džamiju karakterišu i drugi neobični elementi, pa je jedina u gradu bez harema i mezaristana. Gradnja ove džamije jedinstvena je i po tome što ima jedinu uzidanu minaretu u Bosni. Naime, minareta se inače gradi uz džamiju sa njene vanjske strane, dok je ovdje izgrađena iz unutrašnjosti džamije naslonjena na vanjski zid i musandaru tj. galeriju. Neobično je i to što na vrhu same kupole nije postavljen alem na kom piše Allah, kako je to inače običaj u ovom dijelu svijeta. Umjesto alema na vrhu kupole nalazi se čekrk.

Najtačnije orijentisana džamija u Sarajevu

Džamije i mesdžidi se svuda u svijetu okreću prema Kibli, jer je to smjer u kom se muslimani mole i klanjaju. Za Čekrčijinu džamiju se zna da je najpreciznije orijentisana džamija u Sarajevu, kao da je orijentacija pravljena sa najmodernijim uređajima. Za to se također veže interesantna priča koja ukazuje na posebnost njenog vakifa. Naime, dok su graditelji raspravljali oko toga gdje i kako treba orijentisati frontalni zid, hadži Čekrčija je došao i rukom im pokazao gdje da je okrenu, a svi prisutni pogledaše u tom smjeru i ugledaše Kiblu. U spomen na ovaj događaj u samom mihrabu džamije naslikana je Kaba.

Oslikavanje unutrašnjosti cjelokupne džamije pripalo je Mustafi Faginoviću, prvom sarajevskom nakašu (slikaru) školovanom u Parizu.

Hadži Mustafa Čekrčija Muslihudin je bio veliki vakif i u rodnom Visokom gdje je iza sebe ostavio most na rijeci Bosni, džamiju, ogromno zemljište i nekoliko desetina dućana. U Sarajevu ovog čovjeka pamte po dobrim djelima, mističnim pričama, najljepšem parku i najneobičnijoj džamiji u gradu.



Tri nove lipe

Ambasador Japana Kazuya Ogawa, ambasador Arapske Republike Egipat Yasser Sayed Mahmoud El Atawi i regionalni menadžer UN-HCR-a za jugoistočnu Evropu Andrew Michael John Mayne, 02. novembra, 2015. godine su zasadili lipe u Aleji ambasadora.

Sa ambasadorima su lipe zasadili načelnik Općine Stari Grad Ibrahim Hadžibajrić i predsjedavajući Općinskog vijeća Vedran Dodik.

